

Tasdawit Sebderrahman MIRA n Bgayet

Tamezdayt n Tsekliwin d Tutlayin

Tasga n Tutlayt d Yidles n Tmaziyt

Almud : Tumżabt

Massa: SAID Miria

Ađris fayed tess (f.9)

Azwel : War d tjerdeddimt

Iggen war, tewwet-t tfuyt, yutef iggen yar ad iđellel dis. Si yutef, igget tjerdeddimt tulid yers. Yeqfez war, yezher s tiggdi. Teeleb yeqqim igget treknet, yeşsu s tegdi n uwar.

Yennayas war : « Wel ttuggdey, necci lakiy hemqey elaxater wel ttirrin lbalnsen siġi, wel yihsiben d ameqqran. »

Antu d lmeenās : Arġaz illan d leaqel yettugged s yiwalen uctimen ujar n tməttant.

Ađris fayed mraw (f.10)

Azwel : Lmebxel d ɖdif

Hekkan f yiggen ɖdif, iggen wass, yutef yel yiggen lmebxel. Yettuy dessat-s ayrum d sseħfet n tmemt. Yettes ayrum, yezwa ad yettes tamemt si d-yutef ɖdif. Yettuy ixemmem belli ɖdif wel yettet tamemt bla ayrum. Yennayas : « Ad tnejmed ad teċċed tamemt bla ayrum ? » Yennayas : « Ad nejmey. » Lweqtnni, yebda yessataf iđudans tamemt, ittelleyten. Yennayas lmebxel : « Wal ttemealat am wu, tamemt therrek ul ! » Yennayas ɖdif : « D tidet, walakin wel iherrek iggen, yir ul-č. »

Ađris fayed mraw d iggen (f.11)

Ażżezzab d tiżiwt

Iggen wass, ażżezzab yeqqim tazeqqa-s ammas n lektub-s. Isell hedd yessezdub tawwurt. Yenna-ya : « Iyya ! » Wel yeċċir s wemċan-s. Tutef-d igget tiżiwt tennayas : « Ya Sidi, ejj-i ad awiż igget teryit. » Si tt-ergeb wel tiwi mani aya tt-teğ, yenna-ya : « A yelli, mani aya tawid tiyrat ? » Wel twajeb-t. Tezwa yel yennayen, teccur fus-s ażelmađ s yiġed asemmađ, tcemmer s tmədyaz igget teryit, tessers-itt ammas n fus-s, teffey tħess.

Ađris fayed mraw d sen (f.12)

Azwel : **Lħikayet n tisent**

Iggen wass, aġellid yettuż yettseyyed. Aṭebba-x-si yexs ad yemmud amensi, lac yer-s tisent. Aġellid yenna-yas i yiggen icemj : « Ruh l temdint illan teqreb, awi-yay-d bessi n tisent, wel tetta ad tttsellked, elaxater lazem midden wel ɋeġġ-lu. » Yenna-yas yiggen : « Bessi n tisent uhu d cra d azeeluk. » Yenna-yas aġellid : « Ver-č l-heq, Walakin Ɂdalem amezwar ula d netta wel yeħlim yeyleb, wenni d-usin d ameġġaru yeħlem bessi yeyleb, d bessi bessi yiwed ddelm an wass-u. »

Ađris fayed mraw d cared (f.13)

Azwel : **Imsafren d lkiset**

Bekri, cared irġażen safren. Ufin lkiset. Nnan : « Nelluż, lazem iggen seğ-ney ad yeżwa yel temdint ad yen-yawi batta aya neċċ. » Yeżwa iggen seğ-sen yel temdint bac ad send-yessey batta aya ccen. Yesu leewin. Yenna lbals : « Lukan ad ġey ssem di-s, imeddučal-ik ad t-ccen ad mmten, ad yi-teqqim lkiset gaε. » Iġu am manč i yenna. Imsafren iđiđn tteffqen bac si aya d-yas ad t-njen, ad send-teqqim lkiset gaε. Si ad send-yusu yiwi-d laewin lmesum, ttfen-t nyin-t. Netnin ccin laewin-nni, mmuten.

Ađris fayed mraw d ukkuz (f.14)

Azwel: **Arġaz d uwar d ddebb**

Hekkan yef yiggen werġaz, iggen wass, yerwel f uwar. Yuða yel igget tirest. War ula d netta yuða meas. Yergeb iggen ddebb, yessesten-t : « Si melmi tellid dani ? » Yenna-yas : « Lakiż dani si bekri, lakiż qrib ad mmtey s tlazit. » Yenna-yas war: « YYay ad neċċ arġaz-u, ad nejjawen s wiċċa. » Yenna-yas ddebb : « Batta nelluż, batta aya neg ? Aya yif wel t-nettett. Laeud ad yaf igget lhilek, ad ȳenyessuffey s tirest, elaxater netta xfif yef-ney. » Eehden-as belli wel tneqqen. Netta yufu igget thilek. Ffjen s tirest di cared.

Ađris fayed mraw d semmes (f.15)

Azwel: **Aġellid irxan s uđeyyeq n lxater**

Iggen uġellid yerxa s uđeyyeq n lxater. Yenna-yasen i itħibben-s : « Sraħet-i. » Lealem di-sen yenna-yas : « Ay aġellid, ad traħed lukan ad tirħed leqmijeyet n yiggen werġaz mesed. » Lewzir amezwar yeżwa yel midden, yella yer-sen rreżq, d imeqqranen, elaxater netta lbals, netnin d imesuden. Nnan-as: « Sseid wel nessin batta netta. » Iggen wass lewzir yufu iggen uħettab d ażawali. Yenna-yas: « Ceċċi tellid mesed ? » Yenna-yas: « Ih ! » Yenna-yas: « Ucc-iyi-d leqmijeyet-č. » Yenna-yas : « Lac yiri leqmijeyet. »

Ađris fayed mraw d sess (f.16)

Azwel : **Aydi d terżest d useyyad**

Iggen n weydi yettuy yettseyyed m ea bab-s. Yettuy ibedd f yigget terżest mani tnas. Yenna-yas s lyec : « Wal therrec, tellid meħbusa. » Tebda tetterjiji, tenna-yas s lfejeet : « Lukan ad yi-tetħfed batta aya t ġed siġ-i ? » Yenna-yas : « Ad mnayej. » Tenna-yas terżest : « Batta rewley ? » Yenna-yas : « Bab-ik ad m-iney, lac ccekk. » Tenna-yas tirżest : « Batta aya ġey, ad mmtey, batta am wuni, semmeh-iyi lukan ad rewley. » Si tenna awalu, terwel. Yergeb-tt aseyyad, yetṭef di-s, iferrey. Si yexs ad yewwet tirżest, yewwet aydi-s, yenji.

Antu d lmeenjas : Wasi iċawnen imans, Yucc ad tieawen.

Ađris fayed mraw d sa (f.17)

Azwel: **Tayziwt d werġaz**

Hekkan yef yigget tiżiwt, iggen wass tyar deffer teyyult-s. Yergeb-tet iggen werġaz, teċċeb-as. Yelheg-tet, yenna-yas : « A tayziwt, cemmin n mani ? » Tennayas : « Necci n temdint taflanit. » Yenna-yas : « Tessned flana bent flan ? » Tenna-yas : « Neam. » Yennayas : « Eg-iyi lmezziyet u ras-k. Ucc-as lbuset s ȳir-i. » Lweqt-nni, iquerreb yer-s ad tt-iħebb. Tefhem tayziwt s lhilt-s, twexxer, tenna-yas : « Ya Sidi, batta wel tneħmed ad tsebred, ħebb tayyult-ik amčan-ik, elaxater nettaha ad tawed tamdint qebl-ik. » Yessu arġaz, yejj-itt teżwa f yiman-s, yedwel f ubrid-s, netta ifekker di leġwab n tiżiwt tawehdit.

Ađris fayed mraw d tam (f.18)

Azwel: **Tiyedrin n yirden**

Iggen wass, iggen uxemmas yeżwa yetħewwes netta d memmi-s ad regben irden, iwwin ney ddiy. Yenna-yas adefli i baba-s: « Ay aba, mimi lbeqd n tyedrin inzent, lbeqd beddent f yiman-nsent ? Yemken, ay aba, tininni illan beddent f yiman-nsent ifent tini illan inzent ! » Lweqt-nni axemmas yerżu sent tyedrin, yennayas i memmi-s : « Ya memmi, rgeb, tiydert-u ittuyen tinez s lheyyet teemer, wamma tuni ittuyen tbedd f yiman-s s tfanqazit, ul teemir. »

Antu d lmeenjas : Wasi yettgen tafanqazit, Rabbi wel as-yettic, manayu ġġuren sagged n umaru, yettfecca s yiman-s, ddima Yakuc yetticc-as.